


مکملہ ادبی و سیاسی رسالہ

ادبی و سیاسی رسالہ اسبوعیہ در

۳۰ نجی سنہ



۳ رجب شریف ۱۳۲۹

پنجشنبہ

جزو عدد : ۱۰۲

مخابره گوگر جينلرى

اردو خدماڻده بونلردن صورت استفاده

گوگر جينلرک مخابره خصوصى صندھ استفادملرى پک قدیم بر زماندن ابتدا
ايدیور . احوال هوانییه متعلق بر خبرک یابراق شکلده اوله رق حضرت نوحه
بر گوگر جین طرفدن ایصال ایدلدىکی مرویدر ! مصر ملاحلری سیاحت بحریه دن
عودتلرینی ، قبل المواصله گوگر جینلر واسطه سیله اخبار ایتمکده ایدیلر .
گوگر جینلرک بومقصد ایچون اک اول جینلیر طرفدن استفادام ایدلمش اولملری
مختلدر . یونانستانده ، قبل المیلاد بشنجی عصرک بدایتدن بری مسابقه اوینلرنده کی
موفقیتلرینی اقربا واجبالرینه تبشیر ایتمک ایچون گوگر جین استفادام ایدلمکده ایدی .
اسکی روماده گوگر جینلر حوادث حربیه نك نقلی ایچون استفادام ایدیلیور ایدی .
(برؤتوس) میلاددن ۴۳ سنه مقدم (موده نا) محاصره سنده مخابره گوگر جینی واسطه سیله
مارقوس آنتونیوسک معاوتتی طلب ایلشدر . (دیوقله تیان) میلاددن ۳۰۰ سنه
مقدم منتظم بر گوگر جین پوسته سی تشکیل ایتمش ایمش . یدنجی عصرده عجمستانده
بویله بر گوگر جین پوسته سی موجود اوله رق ، اون ایکنجی عصرده سوریه و مصر
جهتلرینه طوغری توسع ایلشدر . غربی اوروپا شوالیه لری مخابره گوگر جینلرینک
فواندینی اهل صلیب محاربستانده اوکره نلرک اوروپایه بیلدیرمشلردر . قیالرک
تپه لرنده انشا ایدیلان منفرد شوالیه برجلری آره سنده پوسته گوگر جینلری
واسطه سیله پک قولای مخابره تأسیس ایدلشدر . فرانسه ده اختلال کیره کانجه یه قدر
اصیلزادکان خانهلرینک کافه سنده کنیدیلرینه مخصوص گوگر جینلر موجود ایدی .

فقط کویلر کوکر جینلری، پک یا کلش اوله رق، اکین حیدودلری تلقی ایلدکلرندن
جههوریتک ایلک قانونی، فرانسه ده کوکر جین بسلکه خاتمه چکمشدر.

۱۸۱۵ سنه سی روچیلده، کوکر جینلردن پک شیطانجه سنه استفاده یه باشلامشدر.
مومی الیه واترلو میدان محاربه سنه دأر معلوماتی کوکر جینلر واسطه سیله انگلیز
حکومتدن اوچ کون اول اوکر نهرک ماهرانه بورسہ معاملاتنی سایه سنده دهشتلی مبلغ
الده ایتمشدر. تلغراف الکتریقینک ایجادیسه قدر بیوک بانقه لر ایله تجارلر
وعلی الخصوص قولونیا غرنه سی بورسہ معاملاتنه وحوادث سارمه دأر مخبره
کوکر جینلری استخدام ایلشلردر.

پارس شهری ۱۸۷۰ محاصره سنده بالون واسطه سیله پک موفقیتکارانه
بر کوکر جین پوسته سی وجوده کتیرمشدر. جمعاً ۶۶ بالونجی یی و بولجی یی حامل
اولق اوزره ۶۶ بالون اوچورلمشدر که بونلر ۱۰۲ بولجی یی، ۳۶۳ مخبره
کوکر جینی، ۹۰۰۰ کیلو غرام ثقلتنده مکتوبی و تلغرافی و بوندن بشقه ۶ کوپکی
حای اوله رق پایتخت محصور ی ترک ایلشلردر.

کوپکلردن بشی زمینه نزول ایتدکدن صکره تلغرافلری حاملأ پارسه عودت
ایده جک ایدی، فقط مؤخرأ بونلرک نه اولدیغنه دأر هیچ بر خبر آلنه نامشدر.
کوکر جینلردن اللی یدیی ۱۰۰،۰۰۰ عدد حکومت تلغرافی حامل اوله رق پارسه
عودت ایلشلردر. اون آلتی انسانی حامل اولان بش بالون، دشمن انسه
کچمش ایسه ده درت کشتی قاچوب قورتولمش وایکی بالونک نه اولدیغنه دأر معلومات
آلنه نامش و احتمالک دکره سقوط ایلشلردر.

عودت ایدن کوکر جینلرک عددی پک آذر. بوکا سبب ۱۸۷۰ سنه سی
کانون اولنده حکمفرما اولان فوق العاده مخالفت هوادر، چونکه شهر مذکورده
خلاف معناد پک جوق قار فورطنه لری و یادائی سیسلی هوا، شدتلی برودت
وقوع بولمشدر.

سفر مزبور ائناسننده عودت ایدن کوکر جینلرک آز اولمسندن ناشی پک
کولنج وصاحجه برشایعه میدانه چیقارلمشدر: گویا بسمارق شمالی آلمانیدن بر جوق

پیرتیمی قوشلر جلب ایدرک یارس اوکنده صالیور دیر تدیکندن، بونلر کوکر جینلری
اقتراس و اتلاف ایلشلر ایمش .

پارسلده پاییلان تجر بهله استناداً سفر مزبور دن صکره دول معظمه عسکریه نك
کافه سنده عسکری مخبره کوکر جین پوسته لری ترتیب و تنظیم ایدلشد .

کوکر جینلرک غریب بر صورتده استخدا منی اتانوس اده (قرون برک) اجزاجیسی
(نوی برونه) نامنده بری دوشونه زك تطبیق ایلشد، که بوکا دائر اوغلی کچلرده ایلک
بین الملل (ایلا) سفائن هوا نیه سرکیسنه معلومات مفصله اعطا ایلشد .

بك طاغنیق اولان قرون برک شهرنده عصر سابقك نصف اولنده یالکیز بر
اجزاخلانه بولمقده ایمش . بناءً علیه رچته لرك ارسالی بك کلفتلی واوزون زمانه توقف
ایدیورمش . خسته لر شهرده موجود اولان تك بر دو قنور طرفدن معاینه و تدای
ایدلکده ایمش . بونک ایچون اجزاجی دو قنور ایله بر مقاوله نامه عقد ایمش، خارج
شهرده کویلرده یازمچنی رچته لری عین زمانده اییک کاغدی اوزرینه قوییه ایدمچك،
دو قنورک علی الاکثر معاینه یه کتدیکی کونلرده اجزاجی دخی پوسته کوکر جینی
بولندیره جق ، بر موقعده یازیلان رچته لرك قوییه لری بر کوچك جیغاره شککنده
بوکیلرک طار بر غلاسه الدیون یارمنی ایچنه وضع و کوکر جینک آرقه سنه ربط
ایدلکدن صکره کوکر جین اوچوربله جق . بر قاچ دقیقه صکره کوکر جین
اجزاجینک کوکر جینلککنه ورود ایدمچکندن اوراده رچته لر اخذ اولنور . بواننده
علاجلر کاملاً احضار ایدیلور . علاجلری آلفه کلان رچته لرك اصللرخی اعطا
ایدرك علاجلری و کوکر جینلری آلوب کیدر ایمش . حتی بك جوق دفعه لر علاجلر
دها اول احضار ایدلدیکندن اجزاجینک اوشاغی آنلری و کوکر جینی حامل
اوله رق ایچنه بر یول آلدقدن صکره کلان آدمه قارشیلایمیش . مؤخر آ متعدد
اجزاخلانه لر تأسیس اولدینی زمان طبیعی بو کوکر جین پوسته سنه آرتق لزوم قالمیه رق
آز زمان صکره نسیان ایدلشد .

عصر حاضرک ایدسانده ینه قرون برک اجزاجیسی ایله فالقنشتاینده ورملره
مخصوص شفا خانه آرمهنده کوکر جین پوسته سی ایله ارتباط حاصل ایدلشد .

بو مخبره خصوصی اوج سنه متدایاً صورت منتظمه ده دوام ایتمش و مؤخر آ شفا .
خانه نك زوالی ایله بو ارتباط دخی زائل اولمشدر . تربیات دارشفا مداوملرینك
بك زیاده جالب دقتلری اولدقلرندن مخبره کوکر جینه « زهرلی قارتال » لقبی
اعطا ایلمشدر .

عین اجزاجی دو قنور (یولیوس نوی برونر) مخبره کوکر جینلرینی اجزا جلی
ایچون دخی استعمال ایلمشدر . مومی الیه بوکا دأر شو یولده معلومات ویریور :
« بك نادر و یا یكی اولان اجزالدن اجزاخانه ده آز مقدارده استعمال
ایدلیکنندن و رچتهینی حاملأ کلانلر جوق بکلمك ایستمدکلرندن اجزاخانه ده
نقصان اولان اجزالدن کوکر جین واسطه سیله فرانقفورتدن کتیرمك خصوصنده
بك زیاده مظهر موفقیت اولدم . تلفون واسطه سیله ایستمدیکم اجزادن بگا
بر قاج غرامنی کوکر جین و متباقیسنی پوسته و یا ساره ایله کوندرمسنی سپارش
ایدردم . یارم ساعت ظرفنده سپارش ، احضار وارسالی واقع اولور ایدی . »

تجربه ایله ثابت اولمشدرکه بر کوکر جین ۷۵ غرامی ، یعنی ثقلت وجودینك
برثلثنی شایان دقت بر صورتده سرعت طیرانه خلل ویرمامك اوزره بالسهوله نقل
ایده یلکده در . بنساء علیه اجزاخانه یی حاوی اولمیان محلله علاج نقلی ایچون
پوسته کوکر جینی استخدامی بك موافق اوله بیلیر . اجزاجی دو قنور نوی برونر
بو خصوصده مختلف تجربه لر اجرایلش و جهل سنده موفق اولمشدر . مومی الیه
بر جوق ذواتك حضورنده اجرا ایلدیکی تجربه لرده کوکر جینلر بر دقنور طرفندن
یازیلان اوج رچتهینی اوزاق بر محله کونوردکن ماعدا اوراده یاییلان علاجلری ده
آلوب کتور مشلدرکه بونردن بری بر شیشه جك قوش پالازی سرومی بر شیشه جك
قهقه دامله سی ، اوج گلاج توزدن عبارت ایدی .

مخبره کوکر جینلرینك عسکرلك نقطه نظرندن استخداملری اول امرده
قلعه لرده تطبیق ایلمشدر . محاصرین ، قلعه داخلنده بولنانلرک ، یعنی محصورینك
خارج ایله مخبراتی بسبتون قطع ایتمک و آنلرک وطن ایله مخبره لرینی ممکن قیله بیله جك
هردرلو ابواب احتمالاتی سد ایلک ساعی بولنور . محصور بولنان مدافعین ایسه احوال

عمومیة ساسیه و عسکریه به و دشمنك احوال و مساعیسنه ، موضعلرینه ، بطریه لرینك وضعیتلرینه و سائر مه دائر اخذ معلوماتی تأمین ایله یلکدن يك زیاده مستفید اولور . بوندن بشقه اردو باش قوماندانی ایچون دخی وقت و زمانیه بلا انقطاع قلعه نك و عساکر محافظه نك حالنه ، قابلیت و مقاومت احتماله و سائر سنه دائر اخذ معلومات ایلك يك زیاده حائر اهمیتدر . بناء علیه خط احاطه نك فوقدن بالمرور مخبریهی تأمین ایتمك خصوصنده بالون ایله برابر کوکر جینلر الك ایی ویکانه واسطه در ، شمدیلرده بو خصوصك تلسنر تلغراف ایله ده تأمین ایدیله ییلسی امید ایلمکده در . فقط دشمن طرفندن بو کامانع اوله ییلك احتمالی واردر . حتی تلسنر تلغراف واسطه سیله دائمی مخبره خصوصی ممکن اولسه بیله مخبره کوکر جینلری ینه فائده واهمیتلری محافظه ایتمکده درلر . چونکه یالکز بونلر سسایه سنده مفصل معلومات ، رسملر فوطوغرافلر ، قروکیلر ارسالی قابلدر .

کوکر جینلر طرفندن نقل اولنه جق حوادث و معلوماتك عدد و مقداری ممکن اولدیغی قدر تزیید ایده ییلك ایچون محررات ، فوطوغرافی واسطه سیله تصغیر ایدیلولر . بواصول ایلك دفعه پارس محاصره سنده تطبیق ایلمشدر . بونك موجودی ایسه فوطوغراف (داغرون) نام ذاتدر . مومی الهك اصولی ایله برسانتمره مرایی برحمله وسطی بیوکلکده ۱۷۲۰۰۰ حرف صیغه ییلمکده در .

تصغیر ایلدیگی صورته برسانتمره مرابعده کی رسمك ثقلتی ۰،۰۰۲ میلگرام اولمقده در که بوتقدیرده بر میلگرام ثقلته ۶۶۰۰ و یا بر غرام ثقلته ۸۸ میلیون حرف اصابت ایتمکده در . پارسه عودب ایدن ۵۷ کوکر جینك ۱۰۰،۰۰۰ عدد رسمی تلغراف ایله بر میلیون خصوصی حوادث نقل ایدیله ییلسی یالکز بواصول سسایه سنده ممکن اولمشدر .

کوکر جین ایله مخبره پوسته سی وقت حضریده احضار ایلمك لازم کلیر . هر قلعه نك کوکر جینلری ، معین دیگر بر قلعه به پرواز ایتملیدرلر . قلعه لرك انشای تسلیخنده ، یعنی سفر برلك هنسکامنده مختلف مخبره کوکر جینلری قلعه لر آره سنده مبادله ایدیلولر و بو سایه ده بر قلعه نك مختلف قلعه لر ایله مخبره ایده بیلمسی تأمین

ایدیلیر . لکن اردو اداره سی یالکزی بو عسکری کوکر جینلری استخدام ایله اکتفا ایتمز . بالعکس مختلف خصوصی جمعیتلرک کوکر جینلرندن دخی استفاده ایلر . حربیه ناظری واسطه سیله بو مختلف خصوصی کوکر جین جمعیتلریله مقاوله عقد ایدیلور ، مذکور جمعیتلر وقت صلحده حربیه ناظرینک فکرینه موافق اوله رق کوکر جینلرینی معین استقامتله قارشی تربیه و تعلیم ایدرلر . وقت حربده بو وجهله آلیشمش اولان کوکر جینلرینی اڭ یقین قلعه لره ایصال ایدرلر . شمدیکی حالده آلمانیده بو وجهله آلیشدیرلمش ۸۰,۰۰۰ کوکر جین بولمخده در .

شیفرملی تلغرافلر استعمال و مفتاحلرینک صیق صیق تبدیلی ایله کیزلی طولمسی تأمین ایدیله بیلیر .

کوکر جینلرک قابلیت پروازلری ایی هوالرده بک بیوکدر . مرضدن سالم بر کوکر جین ساعتده دکز و قره اوزرندن اولق اوزره ۱۰۰ کیلو متره قدر قطع مسافه ایدم بیلیر ، فقط وسطی اوله رق ساعتده ۵۰ : ۵۵ کیلو متره قطع ایلر . ارتفاع طیرانلری ایسه غیر مساعد هواده ۱۰۰ : ۱۳۰ ، ساکن هواده ۲۵۰ : ۳۰۰ متره بالغ اولور . کوکر جینلرک محذوری ایسه هوایه و آیدیلغه تابع اولمسیدر . کجه لین کورمدکلرندن استخدام ایدیله مزلر . اکثریتله ده بیرتیجی قوشلره شکار اولورلر . مقابل روزکارلر ، یاغمور ، سیس ، علی الخصوص فورطنه فنک و طوب آتشی قابلیت طیرانلرینه ایراث خلل ایدر ؛ حتی بعض احوالده استخداملرینه بسبتون مانع اولور .

کوکر جینلرک سواری کشف قوللرینه اعطاسی اوزون مدت تجربه ایدلمشدر . بونلر یا کوچوک سپت داخنده اوله رق سوارینک آرقه سنه و یا طوربه داخنده اوله رق سوارینک کوکسندن یکن بر قایشه مربوط بولمخده ایدی . بوکا اصل سبب اعلان حرب وقوعنده سواری کشف قوللرینک ایلری به سوق ایدیله رک بونلر حدودی بالتجاوز دشمن اراضیسینده ممکن اولدینی قدر زیاده ایلرولمزلرندن و بو درجه ایلرولمش اولان سوارینک عرض معلومات ضمنتده کری به عودت ایلیمی غیر ممکن بولمسی و یا وقت وزمانیه عرض معلومات ایده مامسی در . اڭ ایی

راپور بیلده، وقت وزمانیله واصل اولمیه جق بولنور سه هیچر فائده بی حاز اولماز. بوکا بناء مخبره کوکر جینلرینک معاوتده مراجعت اقتضا ایلشدر. فقط بو خصوصده اجرا ایدیلان تجر به لردن استحصال ایدیلان نتیجه هان هیچ مشابه سنده اولدیغندن مؤخر آ بوندن واز کچیلمشدر.

جهت بحریه ده دخی تلسز تلغراف اصولنک بک زیاده توسع و تعمم ایلسندن. طولای آرتق کوکر جینلرک معاوتندن استغنا حاصل اولمشدر؛ شیمدی یه قدر موجود اولان کوکر جینلکلر آرتق رفع ایدلشدر. بوندن طولای کوکر جینلر محل تطبیق اولق اوزره یالکیز قاعملر قالمقده درکه بورالده مستقبلده دخی بو حیوانلرک وجود لرندن استفاده ایدیله جکنده شبهه یو قدر.

قیصه مسافله ایچون کوکر جینلرک کیدوب کله بیلملری دخی علی العاده بر محله یم یمکه و دیگر محله صو ایچمکه آ لیشدیرلق سایه سنده ممکن اولمقده در. بوگی بر ارتباط تأسیسی بر موقع مستحکمک ویا توقیف طابیه لرینک بر برینه یقین غروپلری آرمسند تأسیس ایدیله بیلیر.

زمانزده کوکر جینلر فوطوغرافی آلق ایچون دخی استخدام ایدلشدر. بوخصوص اجزاجی دو قنور نوی برونه رک اوزون اوزادی یه اجرا ایلدیکی تجر به لره مستند توصیه سی اوزرینه میدان آلمش و بونک ایچون برده فوطوغرافی آلتی ایجاد ایلشدر. کوکر جین کوکسینه اویه جق صورتده آلمینیومدن یا بلش و درت عدد یوشاق دریدن معمول و اوجلرنده قرمه ژوپلری حاوی اینجه صیریم ایله چاپرازواری اوله رق بند ایدلش بر کمری حاملدر. فوطوغرافی آلتی بوکمره تثبیت ایدیلور. کوکر جین اوچورولمندن اول اویز قتیف قباغی تنظیم ایدیلور. غایت دقیق اعمال ایدلش بر آلت واسطه سیله قباغک نه زمان آجیلوب قبانه جغنی تنظیم ایتمک ممکندر. بو آلتک دقیقه و ثانیه یه منقسم بر جیویسی واردر. بو آلت نه قدر طیشارویه جیق بولنور سه قباغک آجیلوب قبانه سی خصوصی اوقدر اوزون زمان صگره واقع اولور. بوندن طولای فوطوغرافی آله جغنی زمانی طوغری اوله رق تعیین ایتمک ممکندر. بو وجهله آلتان فوطوغرافیلر اکثراً ای اولیور لرسده محذور لری اوزر لرنده

بوله جقلى اراضينك، يعنى دشمنك بولدينى اراضينك تفصيلاتيله فوطوغرافيسى
 آلمق لازم كلوب كمدىكنى اولدن كسدير مك ممكن اولماي سيدر . بوندن بشقه بوجهله
 آلان فوطوغرافيلرك پك كوچك اولمى حسبيله فوطوغرافيسى آلان محلى
 خريطه اوزرينه تطبيق ايدوب بولمق اكثريا غير ممكن بولنور .
 دوكتور نوى برونر ايسه محصور قلعه لردن كوكر جينلرى حامللا بالونلرك
 يوكسك ارتفاعلره بالصعود دشمن جبهه سنك آرقه سنه كيدر كن اورادن فوطوغرافيلرى
 كوكر جينلره باغلادقدن صكره سالورملارنى توصيه ايتمكده در . مذكور يوكسكلكدن
 سالوريلان كوكر جينلرك اول امرده معتادلرى اولان ۵۰ : ۱۰۰ متره ارتفاعه
 قدر نزول ايدم جكلرى و او ارتفاعدن ايسه خط مستقيم استقامتمده كندى
 كوكر جينلكرينه طوغرى پرواز ايله جكلرى شه سزدر كه بو طيران انسانده آلمش
 اولدقلرى فوطوغرافيلر در حال انكشاف (ده وولوپه) ايتديريلور . بونلر ايسه
 دشمن مواضعنه واوراده اجرا ايديلان مساعيه بر مقياس تشكيل ايدم جك قيمتى
 حائز بولنور لر . برفوطوغراف آلتى بو طيران انسانده ۲۰ : ۳۰ دفعه فوطوغرافى
 آله جق صورتده ترتيب ايديلور ؛ و عيى زمانده فوطوغراف آلترليله مجهز بر جوق
 كوكر جين دفعه سالوريلور ايسه موفقيت خصوصى اونستنده بيوك اولور .
 عرض اولان مواد خيالاندن عبارت اولمايوب حقيقتدر . ايلا سر كيسنده
 اولجه تعيين ايديلان بر موقعك ۲ كيلو متره اوزاق بر مسافه دن اوچان كوكر جين
 واسطه سيله فوطوغرافيسنك آلمى ايچون وقوع بولان مكافاتلى تكليف ۱۹۰۹
 سنه سى آغستوسنك يدنچى كوني غايت غير مساعد احوال داخلنده اجرا ايديلهرك
 مسئله سى بارلاق بر صورتده حل ايدلمش وبوخصوص ايچون وضع ايديلان مكافات
 بحق قازالمشدر .

آلمانجه دن :

فى ۲۱ حيزران سنه ۹۱۱

محمد رشدى

